

ADRESSE

DES ARCHEVÊQUES ET EVÊQUES DES PROVINCES DE
QUÉBEC, MONTRÉAL ET OTTAWA AU SOUVERAIN
PONTIFE, À L'OCCASION DE SON JUBILÉ
SACERDOTAL. (Septembre 1887.)

SSMO DNO NRO LEONI PP. XIII.

BEATISSIME PATER,

Sub veteri lege, ingruentibus malis, Dominus populo suo dedit Simonem, Oniæ filium, Sacerdotem magnum "qui in vita sua suffulsit domum et in diebus suis corrobora-
vit templum... Quasi sol effulgens, sic ille effulsit in templo Dei. Quasi arcus effulgens inter
nebulas gloriæ et quasi flos rosarum in diebus vernis,
et quasi lilia quæ sunt in transitu aquæ et quasi thus
redolens in diebus ætatis... Quasi vas auri solidum
ornatum omni lapide pretioso." (Eccli. L.)

Nec novæ legis S. Pontifici minor concedi debuit splendor et virtus cui cum ampliori dignitate confertur sublimior et universalior potestas, præsertim in nostris miserrimis temporibus, quando templum Dei vivi quatitur, Ecclesia tantis exponitur periculis, omnis veritas impugnatur et omnia jura proteruntur et conculantur.

Quapropter Nos infrascripti Archiepiscopi Quebecen., Marianop. Ottawien., et Episcopi Provinciæ Quebecensis, Deo Optimo gratias ex intimo corde agimus qui Ecclesiæ Christi non solum pontificem dedit cujus scientia mundum illuminaret, prudentia in discrimine extremo periculum amoveret et pietas omnibus esset